



Галатиядагыылагда язылган кагыыз

«Элчилени ишлери» деген китапдан белгили болганы йимик (16:6; 18:23), ят халкылагда Сююнч Хабарны билдирмек учун чыккыган сапарларында элчи Павел эки керен Галатияда болган. Исага иман салганланы башлапгы жыйынлары онда ёрав гысапда бизин девюрню 50-нчи йылларында арага чыккыган.

Месигъни гыакындагы Сююнч Хабар, озге ерлерде йимик, бютюн Орта денгизни бойларына, Галатияга яйылып гетгенде, Исага иман салганланы алдында Мусаны Къанунуну адатлар, яшав булан байлавлу буйрукларынын кютюв масъаласы арага чыгъа. Шо зат элчини Галатияда Исага иман салган жыйынларына хас кагыыз язмакылыгына себеп болуп токътай. Кагыыздан гёрюнюп тураганы йимик, онда Исага иман салган ягудилер гелген. Олар ягуди дининде гёрсетилген бары да адатланы, ёрукланы кютмеге тарыкъ деп уйретмеге башлайлар. Шоларсыз, олар токъташдыраган кюйде, бирев де къутгъарылмагъа болмай. Озьюню кагызында Павел шолай токъташдырылагда бютюнлей къаршы чыгъа. Ону гысабында, Аллагъ инсанланы олар муъминликке озлени къасты ва Къанунда гёрсетилген адатланы тюпепе-тюз кютегенлиги булан етишмеге къарайганы саялы тююл, Иса Месигъге иман салганы саялы сюе. Шо зат Месигъни гыакындагы Сююнч Хабарны аслу маънасы болуп токътай. Павел Галатиядагылар гъар заман шону эсинде сакълап турганынын сюе: «Шо азатлыккыны бизге Месигъ берди. Шогъар гёре къа-тып туругъуз. Сизин къайтарып къул этмеге биревге де ёл бермегиз!» (5:1).

Башлангы саламлар

1 ¹Инсанланы ихтияры булан тююл, бирев себепли болуп да тююл, Иса Месигьден ва Ону олюмден тирилтген Атабыз Аллагъ йиберип элчи болгъан Павелден ²ва мени булангы бары да иман кърдашларыбыздан Галатияда* Исагъа иман салгъанлагъа салам!

³Атабыз Аллагъдан ва Раббиз Иса Месигьден сизге рагъму ва паракхатлыкъ болсун! ⁴Бу пана дюньядан бизин кьутгъармакъ учун, бизин гюнагъларыбыз учун Атабызны ва Аллагъыбызны буйругъу булан О Обзюн кьурбан этди. ⁵Аллагъгъа гъар даим де макътавлар болсун! Амин.

Янгыз бир гъакъ герти Сююнч Хабар

⁶Месигъни зор яхшылыгы булан сизин чакъырагъан Аллагъгъа шолай чалт арт берип, башгъа бир тюрлю Сююнч Хабар къабул этегенигизге мен бек тамашалыкъ этемен. ⁷Башгъа бир тюрлю Сююнч Хабар буса дагъы ёкъдур! Месигъни гъакъындагъы хабаргъа терс маъна бермеге сююп, арагъызда питне салып юрюйгенлер бар. ⁸Амма эгер де биз яда кёкден тюшюп гелген малайик сизге биз билдирген Сююнч Хабардан башгъасын билдире буса, шогъар Аллагъны налаты болсун. ⁹Биз алда да айтгъан эдик, гъали буса мен янгыдан такрарлай тураман: эгер де бирев сизге обзююз къабул этген Сююнч Хабарыгъыздан башгъасын билдире буса, шогъар Аллагъны налаты болсун.

¹⁰Магъа кимни разилиги герек – адамланы разилигими яда Аллагъны разилигими? Балики, мен адамлагъа ярамагъа айланадыр деп ойлашасыздыр сиз? Эгер мен шолай къаст этип тура бусам, Месигъни къулдукъчусу болмас эдим.

Алагъ Павелни сайлагъан

¹¹Кърдашларым, мен билдиреген Сююнч Хабарны инсан ойлашып чыгармагъанни билгенигизни сюемен. ¹²Мен ону инсанлардан алмагъанман ва биревден де уйренмегенмен, мени учун ону Иса Месигъ ачгъан!

¹³Мен ягъуди динни юрютеген заманымда нечик яшагъанымны эшитгенсиздир. Мен Исагъа иман салгъанланы рагъмусуз кюйде гъызарладым, оланы дагъытмагъа къаст этдим. ¹⁴Савлай халкъымны ичинде ягъуди динни уйренинде мен кёп тенглилеримден оздум. Ата-бабаларыбыз токъташдыргъан адатланы якълайгъанда, мен айрокъда артыкъ къайратлылыкъ гёрсетдим. ¹⁵Аллагъ буса Обзюню зор яхшылыгы булан, тувгъанча да мени танглап, Обзюне къулдукъгъа чакъыргъан. ¹⁶Ят халкълагъа Сююнч Хабарны билдирмек учун, О магъа Обзюню Уланын

* 1:2 *Галатия* – Гиччи Азиядагы бир вилайт. Гъалиги Тюркияны топурагы.

гёрсетгенде, мен адамлардан бирев булан да маслагъатлаша турмадым. ¹⁷Менден алда танглангъан элчилер булан ёлукъмакъ учун, мен Ерусалимге бармадым. Шосагъатына Арабстангъа гетдим, сонг Шам деген шагъаргъа къайтдым.

¹⁸Уьч йылдан сонг Ерусалимге бардым, онда Петер булан ёлукъдум ва ону янында он беш гюн турдум. ¹⁹Элчилерден Раббизни иниси Якъубдан башгъа дагъы биревню де гёрмедим. ²⁰Мен язагъан затлар бириси де ялгъан тююлюне Обзю Аллагъ да шагъатдыр!

²¹Сонг мен Сурия ва Киликия вилайтларына бардым. ²²Ягъудеяда Иса Месигъге иман салгъанланы арасында шо заман мени танымай эдилер. ²³Олар мени гъакъымда янгыз: «Сайки, альякъда обзлени гъызарлап айлангъан адам бир заманларда обзю дагъытмагъа къарагъан иманны гъали яйып айлана», – деп айтылагъан затны биле эдилер. ²⁴Мени учун олар Аллагъгъа шюкюр эте эдилер.

Ерусалимде элчилер Павелни къабул этелер

2 ¹Он дёрт йылдан сонг Барнаба да булан бирге мен Ерусалимге бирдагъы керен бардым. Обзюбюз булан биз Титни де алдыкъ. ²Онда бармагъа гереклигимни магъа Аллагъ ачыкъ этген эди. Мен ят халкъланы арасында билдирип юрюйген Сююнч Хабарны ондагъылан башчылары гъисапланагъанларына айрыча англатдым. Мен шону алдагъы ва гъалиги къыйыным зая гетмесин деп этдим. ³Ёлдашым Тит грек экенине де къарамайлы, огъар сюннет этмекни бирев де талап да этмедиле! ⁴Шону янгыз кимесе бир ялгъан иман кърдашлар сюе эди. Олар арабызгъа Иса Месигъден таба алгъан азатлыгыбызны яшыртгъынлап тергемек учун ва бизин къулчулукъгъа къайтармакъ учун гирген эди. ⁵Сююнч Хабардагъы гъакъ гертилики сизге деп сакъламакъ учун, биз бир мюгълетге де олагъа таби болмадыкъ.

⁶Гъатта Исаны Ерусалимдеги якъчыларыны арасында башчылары гъисапланагъанлар да (оланы оьр даражалары мени гъеч бир тартындирмады, Аллагъны алдында бары да инсанлар бир тенгдир) мен билдиреген Сююнч Хабардан артыкъ бир зат да талап этмедилер. ⁷Терсине, олар, ягъудилени арасында Сююнч Хабарны билдирмек Петерге тапшурулгъаны йимик, ят халкъланы арасында шо ишни юрютмек магъа тапшурулгъанын анлагъан эдилер. ⁸Неге тююл де, Аллагъ Петерни ягъудилер учун элчи этгени йимик, О мени де ят халкълар учун элчи этди. ⁹Исагъа иман салгъанланы арасында башчылары гъисапланагъан Якъуб, Петер ва Югъан Аллагъны зор яхшылыгындан таба магъа берилген тапшурувгъа мюкюр болдулар. Мени ва Барнабаны иман ёлундагъы иш ёлдашлар йимик къабул этип, бизге къол узатдылар. Сююнч Хабарны билдирмек учун, биз ят халкъланы янына,

олар буса ягьудилени янына баражакъгъа разилешдик. ¹⁰ Олар бизге янгыз ярлылагъа кѣмек этмеге унутмагъыз деп тиледи. Мен озьом де шону кѣп сююп эте эдим.

Павел Петерге обькелей

¹¹ Амма Петер Антиокиягъа гелгенде, мен огъар рази тююлюмню ачыкъдан айтдым, неге тююл о тюз ёл булан юрюмей эди. ¹² Алда о Исагъа иман салгъан ят халкълар булан бирче ашап-ичип тура эди. Якъуб йиберген адамлар гелгенде буса, о олардан айрылып ари тайды, неге тююл ят халкълар сюннет этилмеге герек деп гысап этеген тайпалардан къоркъа эди. ¹³ Экиюзлююгюнден огъар Исагъа иман салгъан башгъа ягьудилер де къошулду. Оланы шо экиюзлююгю гьатта Барнабаны да тюз ёлдан тайышдырды. ¹⁴ Олар Сююнч Хабардагъы гъакъ гертиликте гѣре иш юрютмейгенин гѣргенде, мен барысы да бар ерде Петерге: «Сен ягьудисен, амма бир ят йимик яшайсан. Ягьудилени адатларын юрютмеге ят халкъланы сен не учун борчлу этесен?» — деп сорадым.

¹⁵ Биз тувумубуздан ягьудилербиз, «гюнагълы ят халкълар» тююлбюз. ¹⁶ Инсанны буса Аллагъ Мусаны Къанунун кютегени саялы тююл, Иса Месигъе иман салмакълыгъы саялы къабул этегенни билебиз. Шогъар гѣре биз Иса Месигъе иман салдыкъ. Къанунну кютегени саялы Аллагъ биревню де къабул этмес.

¹⁷ Эгер биз де Месигъе иман салып, Аллагъ къабул этгенни сюеген шолай гюнагълылар бусакъ, шо Месигъ себепли гюнагъ яйыла демек боламы дагъы? Бир янгыз да болмай! ¹⁸ Эгер мен бир заманларда озьом бузгъан затны янгыдан къура бусам, мен Къанунну ёлундан тайгъан адам экенимни бирдагъы керен исбат этеген боламан. ¹⁹ Мен де Аллагъ учун яшайым деп, Къанунгъа гѣре, мен Къанун саялы оьлгенмен. Мен Месигъ булан бирче хачгъа илингенмен, ²⁰ яшайгъан мен тююлмен, менде Месигъ яшай. Бу къаркъараны ичинде яшайгъан яшавум мени сюеген ва мени учун Оьзон къурбан этген Аллагъны Уланына иман салмакъ булан гелген яшавдур. ²¹ Мен Аллагъны зор яхшылыгъын гери урмайман. Эгер Къанунну кютген саялы Аллагъ къабул эте болгъан буса, Месигъ негъакъ оьлгендир!

Аллагъ бизин не затдан таба къабул этер?

З ¹ Гъей англавсуз галатлар! Сизге ким гѣз тийдирген? Иса Месигъни хачгъа илингени гъакъда сизге ачыкъдан айтылгъан эди чи! ² Магъа булай бир суалгъа жавап беригиз гъали: сиз Аллагъны Ругъун Мусаны Къанунун юрютегенигиз саялы алдыгъызмы яда эшитгенлеригизге инангъаныгъыз саялы алдыгъызмы? ³ Сиз шо даражада англавсузмусуз? Аллагъны Ругъу булан башлап, инсан амалларыгъыз булан тамамламагъа

сюемисиз? ⁴ Сизин башыгъыздан оьтген бары да затлар бошуна гетип къалма ярамас! ⁵ Сизге Оьзюню Ругъун берген ва арагъызда аламатлар яратагъан Аллагъ муну сиз Къанунну юрютегенигиз учун этеми яда сизге айтылгъан затгъа инангъаныгъыз учун этеми?

⁶ Ибрагъимни эсге алып къоюгъуз. Ону гъакъында Сыйлы Язывларда булай язылгъан чы: «Ибрагъим Аллагъгъа иман салды, шо саялы Аллагъ ону къабул этди». ⁷ Сиз шу затны англап къоюгъуз: Аллагъгъа иман салагъанлар барысы да Ибрагъимни авлетлеридир! ⁸ Аллагъ ят халкъланы оьзлени иманына гѣре къабул этежеги Сыйлы Язывларда алданокъ билдирилген. Шогъар гѣре Аллагъ Ибрагъимге: «Бары да халкълагъа Аллагъ сенден таба берекет берер», — деп ваьда этген. ⁹ Шо саялы да Аллагъ Оьзюне иман салгъан Ибрагъимге берекет бергени йимик, О Оьзюне иман салагъанланы барысына да берекет берер.

¹⁰ Къанунну юрютмекге аркъа таяйгъанланы барысы да налатны тююндедир. Неге тююл де, Сыйлы Язывларда: «Къанунда язылгъан бары да затланы юрютмейгенлер барысы да налатлансынлар», — деп язылгъан. ¹¹ Къанунну кютген деп, Аллагъ биревню де къабул этмежеги ачыкъдыр. Неге тююл де, «имандан таба Аллагъ къабул этгенлер яшап къалажакълар». ¹² Къанун буса имангъа асасланмагъан. Онда язылгъан кюйде, «янгыз Къанунну бары да буйрукъларын гъар заман кютегенлер шо буйрукълар булан яшап къалажакъ». ¹³ Месигъ муна шолай бизин Къанунну налатындан къутгъарды. Бизин учун О Оьзю налатланды. Неге тююл де, Сыйлы Язывларда: «Агъачгъа илинген налатлангъандыр», — деп язылгъан. ¹⁴ Шо саялы Аллагъны Ибрагъимге берген ваьдасы Иса Месигъден таба ят халкълар учун яшавгъа чыгъа, биз де озьобюзге ваьда этилген Аллагъны Ругъун имандан таба алабыз.

Мусаны Къануну ва Аллагъны ваьдасы

¹⁵ Къардашлар, мен сизге гъар гюнлюк яшавдан мисал гелтирейим. Гъатта инсанлар язып къоягъан разилешивню гери урмагъа ва огъар бир зат сама къошмагъа биревню де ихтияры ёкъ. ¹⁶ Ибрагъимге ва ону авлетине берилген ваьдалар булан да лап шолай болду. Тергев этигиз чи, Сыйлы Язывларда «авлетерине» деп айтылмагъан, «авлетине» деп айтылгъан. «Авлети» буса Месигъдир. ¹⁷ Арадан дѣрт юз отуз йыл гетип чыкъгъан Къанун Аллагъ бегетген разилешивню гючюн тайдырып ва онда ваьда этилген затны ёкъ этип болмай. ¹⁸ Эгер варислик этмек ихтиярны Къанун бере болгъан буса, шону, озокъда, ваьда булан алып болмас эди. Аллагъ буса шо ихтиярны Ибрагъимге Оьзюню ваьдасы булан савгъат этип берген.

¹⁹ Шолай болгъанда, Къанун не учун берилген дагъы? Къанун инсанланы гюнагълары саялы да берилген. Ваьда озьюнюки болгъан Ибрагъимни авлети гелгинче, Къанун иш гѣрдю. Къанун арачы болгъан

Мусаны кѣмеклиги булан малайиклерден таба берилген. ²⁰ Арачы эки якъны пайдаларын якълайгъанда тарыкълы бола. Аллагъ буса бирдир.

²¹ Къанун Аллагъ берген ваъдалагъа къаршы чыгъамы дагъы? Чыкъмай! Эгер бизге берилген Къанунну яшав бермеге гючю бар эди буса, Аллагъ къабул этегенлик, гертилей де, Къанундан асылы болур эди. ²² Сыйлы Язывлар бююн дюньяны гюнагъны къолунда есир этип токътагъан. Шоллукъда, Аллагъ этген ваъда янгыз Иса Месигъге иман салгъанлагъа берилер.

²³ Иманны вакътиси етгинче, гѣзленген иман арагъа чыкъгъанча, Къанун бизин кирит уруп сакълай эди. ²⁴ Месигъ гелип, Аллагъ бизин иманыбызгъа гѣре къабул этгинче, Къанун бизин яшланы тарбиялавчусудай алып юрюп турду. ²⁵ Амма иманны заманы гелди, бизге де тарбиялавчу дагъы тарыкъ тююл.

²⁶ Иса Месигъге иман салмакълыгъыгъыз булан сиз Аллагъны авлетлери болдугъуз. ²⁷ Сиз сувгъа чомдуртуп, озюгюзню Аллагъгъа тапшуртуп, Месигъ булан бирлешип, барыгъыз да Ону булан бир болуп токътадыгъыз. ²⁸ Не ягъуди, неде ят, не къул, неде азат, не эркек, неде къатын дагъы ѣкдур, неге тююл Иса Месигъге салгъан имандан таба сиз барыгъыз да бирсиз! ²⁹ Эгер сиз Месигъники бусагъыз, сиз Ибрагъимни наслусу гысапда Аллагъ ваъда этген затланы варислерисиз.

4 ¹ Мен айтагъаным, варис яш чагъында буса, ону къулнукиден бир башгъалыгъы да болмас, гъакъкъатда буса бары да мюлклер онуки болар. ² Амма атасы токъташдыргъан белгили бир вакътиге ерли яш тарбиялавчулагъа ва вакиллеге таби бола.

³ «Яш» вакътибизде биз барыбыз да шолай бу дюньягъа гъакимлик этип турагъан къайдалагъа къул болуп турдукъ. ⁴ Белгиленген заман етгенде буса, Аллагъ Уланын йиберди. О Улан къатынгишиден тувду ва Къанунгъа таби болду. ⁵ Шолайлыкъда, биз барыбыз да Озюню авлетлери болсун учун, Аллагъ Къанунгъа таби болгъанланы эркин этди. ⁶ Сиз Аллагъны авлетлерисиз! Шо саялы Аллагъ Озюню авлетлерини юреклеринде Уланыны Ругъун ерлешдирди. Шо Ругъ Аллагъгъа: «Абба! Атам!» – деп айта. ⁷ Сен дагъы къул тююлсен, Аллагъны авлетисен. Авлети болгъан сонг, Аллагъ сени варис де этди.

⁸ Алда сиз Аллагъны танымай туруп, «аллагъланы» къуллары эдигиз. Олар гъакъкъатда аллагълар да тююл. ⁹ Амма гъали сиз Аллагъны таныйсыз, тюзюн айтса, Аллагъ сизин таный. Шолай болгъанда, сиз шо гючсюз ва бир пайдасыз къайдалагъа къайтмагъа сюемисиз дагъы? Сиз янгыдан шо къайдаланы къуллары болмагъа сюемисиз дагъы? ¹⁰ Сиз йылы бир-бир гюнлерин, айларын, заманларын да сыйлы деп белгилейсиз! ¹¹ Мени сизин учун тѣгюлген къыйыным негъакъ болдуму экен деп къоркъаман.

¹² Къардашларым, мен де сизин йимик болгъан сонг, сиз де мени йимик болугъуз деп, ялбарып тилеймен. Гъали болгъунчагъа да сиз магъа бир де яманлыкъ этмедигиз. ¹³ Биринчи керен мен сизге Сююнч Хабарны аврувум себебли болуп билдирип болдум. ¹⁴ Мени аврувум сизин учун да бир сынав болду, амма сиз мени гери урмадыгъыз ва кем гѣрмедигиз. Сиз мени Аллагъны бир малайигин йимик, Иса Месигъни йимик къабул этдигиз. ¹⁵ Сиз о заман олай насипли эдигиз чи! Мен билемен чи, эгер болгъан бусагъыз, сиз магъа сытып гѣзлеригизни де бережек эдигиз! ¹⁶ Гертисин айтгъанман деп, гъали мен сизин душманыгъыз болуп къалдыммы дагъы?

¹⁷ Озлеге бакъгъан якъдагъы сюювюгюзню къазанмакъ муратда о адамлар сизге ялынып айлана. Амма оланы мурады бирдир: сиз де сонг озлеге ялынсын деп, олар бизин айырмагъа сюелер. ¹⁸ Эгер де яхшы мурат булан болуп ва янгыз мен сизин булангъы заман тююл, даим этип тура буса, сююв къазанмакъ башгъа яман зат тююл. ¹⁹ Балаларым, яш табагъанда къатынгиши нечик азап чеге буса, сизин учун мен де шолай азап чегип тураман. Сиз Месигъдей болуп къалгъанча, шолай болуп да туражакъ. ²⁰ Гъали мен сизин арагъызда да болуп, сизин булан бютюнлей башгъача кюйде сѣйлемеге, огъ, нече де сюер эдим дагъы; гъали буса мен не этегенни билмей, манг болуп тураман.

Гъажарны ва Сараны гъакъкъындагъы масал

²¹ Сиз, Къанунгъа таби болуп турмагъа сюегенлер, магъа айтыгъыз чы: Къанунда не деп айтылагъанны сама билемисиз? ²² Къанунда Ибрагъимни эки уланы болгъан, бири къараваш къатындан, биревюсю буса азат къатындан тувгъан деп язылгъан. ²³ Къараваш къатын тапгъаны бары да яшлар тувагъанда йимик тувгъан, азат къатынныки буса Аллагъны ваъдасы булан тувгъан.

²⁴ Бу хабарны тапшурма маънасы бар. Бу къатынгишилер эки башгъа разилешивню белгилей. Разилешивню бириси Синай тавда бегетилген ва шону натижасында тувгъан яшлар къуллардыр. Бу разилешивню белгиси Гъажар болуп токътай. ²⁵ Гъажар Арабстандагъы Синай тавну белгилей, шо – гъалиги Ерусалим, неге тююл Ерусалим ва ону авлетлери къулчулукъда. ²⁶ Сара буса кѣкдеги азатлыкъдагъы Ерусалимни белгилей ва бизин барыбызны да анабыз йимик. ²⁷ Неге тююл де, Сыйлы Язывларда булай язылгъан:

Сююн, бир заманда да яш тапмагъан, гъей къатын!

Сююн, яш тапмакъны азабын бир заманда да башдан гечирмеген, гъей къатын!

Эри бар къатынныкиден эри ташлагъан къатынныки яшлары кѣп болажакъ!

²⁸ Сиз, кърдашлар, Сараны уланы Исгъакъ йимик, ваъданы авлет-лерисиз. ²⁹ Шо заман адатлы кюйде тувгъан авлет Аллагъны Ругъуну гючю булан тувгъан авлетни инжитген. Гъали де шолай бола. ³⁰ Сыйлы Язывларда шону гъакъында не деп айтыла? «Къаравашны ва ону уланын къувалап чыгъар! Неге тююл де, къаравашны уланы азат къатынны уланы булан бирче бир заманда да варисликге ортакъчы болмас», — деп язылгъан онда. ³¹ Шоллукъда, кърдашлар, биз къаравашны яшлары тююлбюз, азат къатынны яшларыбыз!

Иса Месигъге иман салгъанланы азатлыгъы

С ¹ Шо азатлыкъны бизге Месигъ берди. Шогъар гёре къатып туругъуз. Сизин къайтарып къул этмеге биревге де ёл бермегиз!

² Мен, Павел, сизге айтагъаныма тынглагъыз. Эгер сиз сюннет этдирмеге рази бола бусагъыз, Месигъни сизин учун гъеч бир пайдасы болмас. ³ Бирдагъы керен айтаман сизге: сюннет этилмеге рази болгъан гъар ким бютюн Къанунну да кютмеге герек болар. ⁴ Эгер Къанунну кютмек булан сизин Аллагъ къабул эте деп къаст эте бусагъыз, сиз Месигъден айрылгъансыз, Аллагъны рагъмусундан да сиз арекдесиз. ⁵ Аллагъ бизин къабул этежегине Аллагъны Ругъу инандыра, неге тююл де биз Месигъге иман салгъанбыз. ⁶ Биз Иса Месигъ булан бир бусакъ, не сюннет этмекликни, неде сюннет этмей къоймакълыкъны гъеч башгъалыгъы ёкъдур. Бары да затдан аслусу — сююп этилеген ишлеринде гёрюнеген имандыр.

⁷ Сиз Аллагъны ёлунда яхшы юрюп турдугъуз. Гъакъ гертиликге гёре юрюмеге сизге ким пуршав этди? ⁸ Тюз ёлдан чыкъмакълыкъыгъыз сизин чакъырагъан Аллагъдан тююл. ⁹ Аз зат мая сав хамурну гелтире. ¹⁰ Сиз мен айтагъангъа рази болажагъыгъызгъа инанаман, неге тююл биз Раббиз булан бирликде яшайбыз. Сизин адашдыргъан ким буса да тийишли жазасын алар.

¹¹ Кърдашлар, эгер мен гъали де сюннет этивню якълай бусам, мени не учун гъызарлайлар дагъы? Эгер де мен сюннет этивню якълай бусам, хачгъа байлавлу юрютеген англатывларым магъа къыйынлыкълар гелтирмес эди. ¹² Сизин адашдыргъанлар, уятларын гесип, озлени къырып битдиргенни сюер эдим!

¹³ Кърдашларым, Аллагъ сизин азатлыкъда яшамагъа чакъыргъан. Вёрегиз, азатлыкъ гюнагълы табиатыгъызны таъмин этмеге багъана болуп токътамасын, терсине, бир-биригизге сююв булан къуллукъ этигиз! ¹⁴ Къанунну бютюн маънасы «ювугунгню озюнгни йимик сюй» деген бир буйрукъгъа асаслана. ¹⁵ Эгер сиз эришивлюклени ва бир-биригизге бакъгъан якъдагъы оъчлюгюгюзню узата бусагъыз, къарагъыз чы, бир-биригизни къырып битдирип къоймагъай эдигиз!

¹⁶ Шо саялы да мен сизге айтаман: Аллагъны Ругъу буюрагъан кюйде яшап къалыгъыз. Шо заман сиз гюнагълы табиатыгъыз сюйген кюйде гюнагъ ишлер этип юрюмессиз. ¹⁷ Бизин гюнагълы табиатыбыз сюеген зат даим Аллагъны Ругъуна кършы, Аллагъны Ругъун сюеген зат да гюнагълы табиатыбызгъа кършы чыгъа. Олар даим бир-бирине кършы чыгъа, натижада, сиз озюгюз сюеген затыгъызны этеген болмайсыз. ¹⁸ Амма сизге Аллагъны Ругъу ёл гёрсете буса, сиз Къанунну табилигинде тююлсюздюр.

¹⁹ Гюнагълы табиатны ишлери белгили. Олар булардыр: зиналыкъ, нас хыяллар, напсына ёл къоягъанлыкъ, ²⁰ ялгъан аллагълагъа къуллукъ этив, халмажчылыкъ, оъчлюк, душманлыкъ, къазапланыв, оъжетлилик, оъз-оъзюн оър тутагъанлыкъ, эришивлюклер, тартышывлар, ²¹ гюнчюлюк, ичкичилик, кеп чегивлер ва шоллагъа ошагъанлары. Бирдагъы керен де бувараман сизге: шолай затлар булан машгул болагъанлар Аллагъны гъакимлигини тубюне тюшмежеклер.

²² Амма бизин яшавубузда Аллагъны Ругъуну емиши будур: сююв, къуванчылыкъ, парахатлыкъ, сабурлукъ, рагъму, чомартлыкъ, аминлик, ²³ саламатлыкъ, озюн енгип сакълап болагъанлыкъ. Бу затлагъа кършы бир къанун да ёкъдур. ²⁴ Иса Месигъники болгъанлар напсылары ва гъасиретликлери булан бирге озлени гюнагълы табиатларын хачгъа илгенлер. ²⁵ Эгер биз Аллагъны Ругъу булан бирликде яшай бусакъ, шо Ругъ гёрсетеген ёлда юрюмеге герекбиз. ²⁶ Хохайланмайкъ чы, бирев-биревню ачувландырмайкъ чы, бирев-биревню гюлемейик чи.

«Бир-биригизге кёмек этигиз»

Б ¹ Кърдашлар, эгер бирев гюнагъ иш эте туруп тутулса, ону сиз аривлук булан тюз ёлгъа салыгъыз, неге тююл сиз Аллагъны Ругъуна берилген адамларсыз. Вёрегиз, сиз озюгюз де гюнагъгъа тюшюп къалардан сакъ болугъуз. ² Бир-биригизни намусларыгъызгъа табула туругъуз, шо заман сиз Месигъни къанунун кютген болажакъсыз. ³ Ким буса да бирев, бир шайыгъа да тиймей туруп, оъз-оъзюн башгъалардан оър гёре буса, о оъз-оъзюн алдатадыр. ⁴ Гъар ким оъз-оъзюн этеген ишлер булан тергеп къарасын, шо заман о оъзюн озгелер булан тенглешидирмейли, оъктем болмагъа болур. ⁵ Неге тююл де, гъар ким озюню югюн гётермеге герек.

⁶ Аллагъны каламын уйренеген гиши уйретеген гишисине де озюню бары да затларындан пай чыгъарар.

⁷ Алданып къалмагъыз. Аллагъны алдатмагъа бажарылмас. Ким не чачса, шону орар. ⁸ Гюнагълы табиатына къуллукъ этип юрюйген гиши оълном тюшюмюн къайтарар. Аллагъны Ругъуна гёре яшайгъан гиши буса Аллагъны Ругъу береген даимлик яшав тюшюмюн къайтарар.

⁹ Яхшылыкъ этмеге эринмегиз. Яхшылыкъ этивде биз эринмесек, заманы етишгенде, чачгъан ерибизден тюшюмюбюзню къайтарарбыз.

¹⁰ Имканлыкъ берилген чакъы заман инсанлагъа, айрокъда иман къардашларыбызгъа яхшылыкъ этейик.

Ахыр сёзлер

¹¹ Мен сизге озъ къолум булан язаман. Шу уллу гъарпланы гёремисиз?

¹² Тышдан яхшы болуп гёрюнмеге сюегенлер сизин сюннет этдирмеге сюелер. Олар шотай этегенини себеби – Месигъни хачдагъы олююмю гъакъында айтагъаны учун гъызарлавлагъа тюшме сюймейлер. ¹³ Сюннет этилгенлер озълер де Къанунну юрютмейлер чи. Макътанмагъа багъана болсун учун, олар сизге сюннет этмеге сюелер. ¹⁴ Мен Раббиз Иса Месигъни хачдагъы олюмюнден башгъа бир зат булан да макътанмагъа сюймеймен. Ону шо хачында бу дюньядагъы бары да зат мени учун оьлген, дюнья учун мен озъюм де оьлгенмен. ¹⁵ Не сюннет этилмекни, неде сюннет этилмей къалмакъны бир маънасы да ёкъдур. Аслусу – сиз Аллагъны яратылгъан янгы заты болуп токътадыгъыз. ¹⁶ Бу къайдагъа гёре яшайгъан бары да адамлагъа – Аллагъны Исрайылына – паракъатлыкъ ва рагъму болсун!

¹⁷ Ахырда да, бирев де башыма намуслар салмасын! Неге тююл де, мен къаркъарамда Исаны яра белгилерин алып юрюймен.

¹⁸ Къардашларым, Раббиз Иса Месигъни рагъмусу ругъугъуз булан болсун. Амин.